

Энг оғир жанг



12:00 / 05.05.2022 4019

Менга ишонинг, жанглар ичida энг оғири қалб поклигини муҳофаза қилиб киришилган жангдир.

Бу ҳаёт қалбларни ўлдирмоқчи бўлади. Қанчалар зиён қилсангизда, қалбингизни йўқотманг. Қалбини йўқотганлар гарчи дунёни эгаси бўлишсада, мағлубдирлар.

Мўъмин киши бу дунёда худди жангдаги жангчига ўхшайди. Ўрнини ўзгартирсада томонини, фронтини ўзгартирмайди.

Баъзи жанглар жуда қаттиқ бўлади. Унга ҳар қандай аскар ҳам туриб бера олмайди. Модомики, ният жангда ғолиб бўлиш экан, баъзида ортга чекинишнинг зарари йўқ.

Агар бир ибодатда фаол бўлиб, сўнgra сустлашиб қолсангиз, ўзингизда чарчоқ ҳис қилсангиз нафсингизга бошқа майдонни кўрсатинг.

Агар Аллоҳга олиб борадиган йўллардан бирининг эшиги сиз учун ёпилса қўлингизни иягингизга тираб ҳайрон бўлиб қолманг. Дарров бошқа эшикни очиб ундан киринг.

Кечаси қоим бўла олмасангиз кундузи садақаларни кўпроқ беринг. Нафл рўзаларни тута олмаётган бўлсангиз нафсингизни Қуръон ёдлашга мажбур қилинг.

Бу нафсни ҳақ ила машғул қилмасангиз у сизни ботил билан машғул қиласди. Қўшинга етиб олиш учун оғир жароҳатининг аламларига сабр қилаётган аскар каби бўлинг. Жароҳатга таслим бўлманг. Акс ҳолда ҳалокатингиз шундадир.

Баъзан banda қилган гуноҳлари сабаб тоатдан тўсилиб қолиши ҳам мумкин. Аммо буни шайтоннинг қўлидаги қамчи қилиб қўйманг. Акс ҳолда шайтон қачон тоатга юз бурсангиз ушбу қамчи билан савалайди.

Битта жангда мағлуб бўлиш барча жангда мағлуб бўлади дегани эмас. Осмондан битта патнинг тушиши қуш қулаб тушди дегани эмас. Дараҳтнинг бир шохи синса бу дараҳт қуриди дегани эмас.

Киши нафсига қарши матонатли бўлиши лозим.

Ўрнингизни тарк этманг!

Абдулқодир Полвонов